

أسئلة علي بالناس و شاعلة فكرنا

س: "يعني إيه دستور؟"

ج: الدستور ده هو العقد اللي بين الشعب و الدولة. علشان نتفق فيه علي حقوق الشعب اللي الدولة محتافظ عليها.

س: "أنا عاوزين الدستور علشان الأمان يرجع ثاني"

ج: جهاز الشرطة الجديد مسئولية وزارة الداخلية ودي من مؤسسات الدولة اللي تحت إشراف حكومة عصام شرف وملهاش أي علاقة بالدستور.

س: "ماهو من غير الدستور هايفضل حالنا واقف!"

ج: ما هي الحكومة اللي ريسها دلوقتي عصام شرف (لتسيير الأعمال) هي المسئولة عن الشغل و علي ان حال البلد يمشي، مش الدستور هو اللي موقف حالك. زي ما قولنا الدستور هو العقد اللي بين الشعب والدولة.

س: "طيب ليه في ناس بتقولنا قولوا نعم؟"

ج: علشان الناس دي مصلحتها تتسرع في دخول انتخابات مجلس الشعب علشان يفضلوا محافظين علي أماكنهم ويفضلوا ياكلوا فلوسنا وينهبوا في حقوقنا، وساعتها حال البلد حيقف بجد مش هزار.

س: "ماهو لو قلنا لا" هايعدلوا المادة الثانية؟"

ج: المادة الثانية ملهاش علاقة بالدستور الجديد لأن يحصل استفتاء للمواد كلها ومادام أنا عاوزنها محدش هايقدر يغيرها.

س: "ماهما قالوا ان الرئيس الجديد هو اللي حيغير الدستور؟"

ج: التعديلات الدستورية صحيح بتدي الحق للرئيس انه يغير الدستور، لكن **ما بتلزموش** أنه يعمل دستور جديد. **تفرق كثير أوي أوي**. إيه اللي بضمن انه أكيد هايعدل كده؟ افرض عمل حركة مش ولا بد حيبقي إيه وضعنا من ناحية الاستقرار والأمن وكل الحاجات الحلوة اللي أنا عاوزنها **لينا ولولادنا؟**

س: "ما هو لو رفضنا التعديلات الجيش هايفضل يحكمنا؟"

ج: الجيش مش عاوز يحكمنا. دي مش شغلة الجيش و هو وراه حاجات ثانية مهمة لازم يعملها. ده الجيش نفسه يسلم السلطة ويروح يشوف حاله.

س: "عايز أقول نعم" علشان نخلص من المظاهرات؟"

ج: المظاهرات دي علشان مستقبل ومستقبلك وعلشان **مستقبل ولادنا**. المظاهرات دي كانت ضد النظام الفاسد اللي أكل حقوقنا وضد الدستور البايظ اللي ساعد النظام ده انه يفرنا. تفتكر لو الدستور البايظ ده فضل مكمل، المظاهرات هتوقف؟ المظاهرات هتفضل مكمل طول ما النظام الفاسد واقف قصاد مستقبل ومستقبلك.

س: "هو مش هايحي رئيس يقعد فترة أو فترتين ويمشي بعد كده؟"

أيوه، المدة محدده بس السلطات غير محدودة، يعني بدل ما البهدة كانت 30 سنة هتبقى 4 أو 8 سنين وتكرر مع الرئيس اللي بعده، وممكن يرجع مثلاً أمن الدولة... إنت عاوز ظلم و إفترى أمن الدولة يرجع ثاني بيهدل فينا؟

لا للتعديلات الدستورية

نعم للعدالة الإجتماعية و الحرية و الديمقراطية

نعم لا تعني الإستقرار !

التعديل سيؤدي إلى المزيد من المظاهرات والاضطرابات ووقف الحال
 مقولة الشيخ الشعراوي: " الثائر الحق هو من يثور ليهدم الفساد ثم يهدأ ليبنى الأمجاد". بالتالي مش ممكن الناس هتهدى وتبدأ تبني وتسكت على الفساد .
 دي أول تجربة إنتخابات حرة، لو استعجلنا فيها هيحصل مشاكل وهيكون ليها إعادة واتنين ومش هنخلص. **مش عايزين حزب وطني ثاني.**
 تشكيل مجلس الشعب اللي هيجي من الإنتخابات المستعجلة مش هيمثل الشعب المصري بجميع فئاته، ومش ممكن الناس هتسكت على كده. **مش عايزين حزب وطني ثاني.**
 احنا ملحقناش نشتغل علشان نخش في استفتاء وانتخابات.

مايني على باطل فهو باطل

شرعية الثورة اسقطت دستور مبارك (١٩٧١)
 دستور مبارك هيجب ديكاتور جديد. **إنت عايز مبارك ثاني ؟**
 التعديلات لا تلزم الرئيس بطلب دستور جديد

الشعب طالب بتعديل المواد ٧٦ ، ٧٧ ، ٨٨ والغاء مادة الطوارئ. خلاص بقى عايزين إيه ثاني؟

الشعب طالب بإسقاط النظام: الدستور جزء لا يتجزأ من النظام وخصوصا أنه تم تعديله وتغيره كذا مرة علشان يخلي الرئيس ديكاتور يحكم البلد من غير ماحد يحاسبه.

أسباب سقوط الدستور:

الرئيس تخلي عن منصبه: الدستور يقول الرئيس يستقيل أو يحصل له عجز كلي أو عجز دائم. مفيش خالص موضوع إنه "يتخلي" عن منصبه دي. يبقى في اللحظة اللي الرئيس "تخلي" فيها عن سلطته يبقى هو اسقط الدستور.
 بلاش دي، الدستور مش جايب سيرة إن الجيش يحكم البلد. يبقى اللحظة اللي الجيش قبل فيها إنه يحكم البلد يبقى هو كمان اسقط الدستور.
 إزاي أعدل او أغير في حاجة تم اسقاطها ؟ وتم اسقاطها من رئيس البلاد والجيش، مش يعني إحنا قررنا من دماغنا انه تم إسقاطه.

التعديل ده معناه إنتخابات مجلس شعب و شعوري كمان شهرين ثلاثة !!!!!

هوا إحنا لحقنا نريح وناخد نفسنا علشان نخش في إنتخابات شعب وشعوري يمثلني ويتكلم بالنيابة عني؟؟ الأمن لسه مرجعش والاقتصاد واقف والناس تعبانة. إزاي اطلب من الشعب انه يسبب كل المشاكل دي ويسبب شغله وأكل عيشه ويركز معايا بقى في انتخابات ومرشحين وبرامج انتخابية ، والراجل ده كويس انتخبه ، والراجل ده وحش مش هيقدر يتكلم بنيابة عني ؟ **مش عايزين حزب وطني ثاني.**
 مستعجلين على إيه ؟ هو فيه حد بيجري وانا مش واخد بالي ؟ عايز وقت ... لأول مرة من سنين طويلة صوتي هيبقى له قيمة وهأقدر احدد مصيري بنفسي .
 عايز وقت اخذ فيه نفسي وافكر وأشوف وأشارك بصوتي .

وعلى فكرة رفض التعديلات مش معناه الرجوع لدستور 71 لكن هتكون رسالة واضحة إن الشعب المصري عاوز دستور جديد يمثل احلامه ويدافع عن حقوقه .

الحل العملي و القانوني المقترح من مستشارين كثير محترمين:

- إعلان دستوري مؤقت
- انتخاب الرئيس و يقوم الرئيس بتشكيل حكومة تمثل جميع طوائف المجتمع
- عمل لجنة تأسيسية لصياغة دستور جديد
- استفتاء الشعب على الدستور الجديد
- إنتخابات تشريعية